

25. september 2019

UKA2019/144/91

**Uunga siunnersuut: Utoqqalinersiaqarneq pillugu Inatsisartut inatsisaata allanngortinnissaa pillugu Inatsisartut inatsisaat nr. xx, xx. xxx 2019-imeersoq. (Utoqqalinersianik ikilisitsisoqartinnagu aningaasanik innuttaasup akissarsiarisinnaasaanik qaffaaneq)**

(Aleqa Hammond, Nunatta Qitornai)

Naalackersuisooqatigiikkumalluni isumaqatigiissuteqaraanni taava naalackersuisooqatigiikkumalluni isumaqatigiissut tunngavigalugu sulineq piusarpoq. Inuiaqatigiinnut neriorsuutigisimasat aammalu qineqqusaarnermi neriorsuutigisimasat tunngavigalugit sulineq ingerlassaaq, allannguteqarpallu peqquteqassaaq isumaqatigiinninniarnermi naaperiuteqarsimaneq imaluunniit inatsisartunit allannguteqartitsisumik inerneqartitsineq.

Qanga meeraangallaratta 60 missaannaani ukiullit utoqqarujusarput inuiaqatigiinnilu suleqataasinnaanerat killeqartorujussuannngoreertarluni. Taamanikkut timi atornerujussuullugu aammalu asoroornarnerujussuarmik tunngaveqartumik inuuneq tunngaveqarpoq. Imertartortarluni, aamaruutissaasortarluni, errorsiveqarani, maskinanillu imatut annerusumik ikiorteqarani inuuneq angerlarsimaffimmi suliffinnilu ingerlanneqarpoq. Timi nungullariartortarput taassumalu kingunerisaanik inuiaqatigiinnut tunniussinnaasaq siusissorujussuarmik killeqalersarluni.

Ullumikkut nunatsinni inuuneq nunanut allanut sanillersuukkalarlugu sakkortuneroqisoq aammalu suli asoroornarneroqisoq, kisianni ataatsimut isigalugu siornatigutulli oqinnerungaartumik timi eqqarsaatigalugu inuuvugut tunniusimallutalu inuiaqatigiinni sulisinnaassuseq angisooq suli misigisimallugu utoqqalinersiuteqalersinnaanermut ukiunut ikaarsaaneq inuiaqatigiinni annertoq piulernikuuvoq.

Soorunami kinaluunniit ileqqaarniarnissamut pisussaavoq. Ileqqaarsinnaaneq annertoq inuiaqatigiinni pigereerparput, sipaarluta juullerniarmat, sipaarluta nalliuttoortoqarnissaanut, pikilluta ullunut angisuunut ilaqutariittut aammalu sipaartarluta ilaqutariittut inuttulluunniit feerialaarnissamut. Amerlanerpaartaatigulli ima aamma inuiaqatigiit akimatiginngilagut tamakku avataatigut utoqqalinissatsinnut inuulluataarutaasinnaasumut ileqqaarnerput ima annertutigisoq utoqqalinersiutitta annertussusaata inissisimaffia soqutaavallaarunnaarsimalluni.

Ullumikkut utoqqalinersiuteqartortavut sulilaarsinnaasut sullittaqaat, qujanartumik ilami inuiaqatigiinni nukik angisooq pigaat, misilittakkatik pikkoriffitillu atorlugit inuiaqatigiinnut tunniussarsarpassuatik suli tunniuttarmatigik. Taakku sulilaartarnermigut ilanngaavigineqartarnerat piumasutsimut annertuumik killiliisarpoq, tamanna misissunngikkalarlugu apuutsivigineqartarlutalu

# Nunatta Qitornai

## Inatsisartuni



nalignnaasumik kikkunnit tamanit ilisimaneqarpoq. Kajumissuunissaq tunniussassaqaarsinnaaneq pillaatisiarineqartartussaangilaq.

Eqqaamaneqassaaq utoqqalinersiuteqartut tamarmik saniatigut isertitaqarnissamut periarfisaqanngilaq, tamannalu tunngaviusumik utoqqalinersiuteqarnermi qulakkeerneqartuassaaq utoqqalinersiut inuussutigineqaarsinnaaneq ataqqinartumillu utoqqalinersiuteqaarsinnaanermut tunngaviussalluni.

Utoqqalinersiuteqalersarpugut tamakkiisumik suliffimmut siornatigutuulli tunniusimaffiginnissinnaajunnaartilluta. Taamaammat inuiaqatigiit utoqqalinersiuteqartitsisarneranut ilaalersarpugut. Imatut paasineqassanngilaq utoqqalinersiutinik periarlunga taava siornatigutuulli suliinnarnera ingerlallugu killeqanngitsumik. Utoqqalinersiuteqalertarnerup isumaa oqallinnermi qimanneqarnaveersartariaqarpoq. Oqartoqaarsinnaannginnamimi ukiukka utoqqalinersiuteqalernermit killimmata utoqqalinersiuteqaleriarlunga sulinera siuliatuulli ingerlatiinnassuara assignanik. Naapertuilluarnermik tunngaveqartumik inuiaqaatigiinni utoqqalinersiaqartitsisarnermik ingerlatsissuugut.

Isumaqarpugut utoqqalinersiaqartitsisarnerup annertussusaa tunngaviatigut ima qaffasitsigisumik inissisimasariaqartoq pinngitsoorani utoqqalinersiaqartoq saniatigut isertitassarsioritariaqarunnaarunneqarluni qaammatip naanissaanut angummanniarniarnermi, kisiannili inuussutissaq naammattoq tunngaviatigut pigineqartariaqartoq. Tassunga saatinneqarpat saniatigut suliasarsioritsisarnerput killilersinnaavarput eqqissillunilu utoqqalinersiuteqaarsinnaaneq piusinnaalluni. Saniatigut isumaqarpugut aamma ilanngaat qaffanneqarnissaanut suliniarneq attanneqassasoq. Imatut paasillugu tunngaviusumik utoqqalinersiuteqarneq qaffaavigineqarluni saniatigut suliasarsioritariaqarneq pinngitsoortillugu aammalu sulumasunut kajuminnartuulluni.

Naaperiuteqarneq angisooq piusariaqarpoq aammalu piffissanngorpoq taassuma aaqqiivigineqarnissaa.

Kingullermik utoqqalinersiuteqarneq pillugu peqqussut allannguuteqarmat 2007-lli kingorna anner-tunerusumik aaqqiissuteqanngilaq. Aningaasatigut aporfiusinnaasoq qitiutinneqarlutik naalak-kersuisut annerusumik aaqqiinissamut tunuarsimaartut paasinarpoq.

Aaqqiissuteqartoqarmat kingullermik utoqqalinersiuteqartut atugaasa pitsanngorsaavigineqarnerani uanga namminerisamik utoqqaat pillugit naalakkersuisuuvunga, qaffaateqartoqarnissamullu aningaasalersugassat pissarsiariumallugit ulluinnarni inuunermi pinngitsoorneqaarsinnaasut tupa sukkullu akitsuutaat qaffaavigineqarput. Amerlanerussuteqartut aaqqiivigineqartoq taperserpaat, sooq aamma maanna aaqqiineq tamakkiisoq angusinnaanngilarput aaqqiilaarnerinnaq siunerta-rinagu.

# Nunatta Qitornai

## Inatsisartuni



Taamatut oqaaseqarlunga siunnersuut ataatsimiititaliamut ingerlanneqarnissaa inassutigaarput.